



Protocol dalla radunonza generala dils 27-08-22

Datum: 27-08-22
Temps: 20:00 uras
Liug: Kiesfang Vilters

1. Beinvegni ed appell

Las occurenzas previdas han stuiu pitir el 2021 pervia dalla pandemia, igl ei quasi stau il medem problem sco el 2020, bi ch'ils commembers e las commembras ein tuttina stadas fideivlas a nossa uniun.

Radunonza generala 2021

- Luzian Spescha staus gastader (Gastgeber), 45 commembers e commembras han priu part
- La partenza han Angela Kilchör e sia cameratta fatg.
- In punct principal ei stau che nus havein decidu dad engrondir il diember en suprastonza da treis a tschun commembers.

Rinaldo muossa fotografias da nossas occurenzas 2022 e raqueta da lezzas.

La radunonza dad oz ha liug a Vilters el Kiesfang, cun quei che la sala "Zur Bündte" a Jenins era gia occupada cun ina nozza. Cunquei che nies datum era gia daditg ell'agenda dil "Zur Bündte" ha Luzian Spescha persunter fatg ina donaziun da CHF 400.-.

Nus cantein da cuminonza la canzun "Da mia patria".

Rinaldo fa in cordial beinvegni a tuts, specialmein a nos hosps prominents:

- Diego Deplazes, secretari general dalla Lia Rumantscha
- Roman Pfister, president dall'Uniun da las Rumantschas e dals Rumantschs en la Bassa (URB)
- Toni Vincenz, president dalla Surselva Rumantscha
- Ciril Berther, actuar dall'URB

Era in cordial beinvegni fa Rinaldo a nies president d'honor Venanzi Casanova ed a nossas allas commembras d'honor Fidelia Staub e Cornelia Bigger. Eugen Casanova sa deplorablamein buc prender part questa sera.

Las sunadontas commembras e commembers lain seperstgisar:

Mirjam e Marcel Bärtsch, Sandra Carisch, Roman Cathoma, Elisabeth Christoffel, Imelda ed Irenäus Friberg Anita Gabathuler, Susanna ed Ivo Gienal, Amadeus Muoth, Carmelia Nau, Sonja Rutz, Retus ed Astrid Spescha, Max Staub, Toni Valaulta, Onna Catrina Zünti, Erika Casanova, Eugen e Christa Casanova

2. Elecziun dils dumbravuschs

Toni Poltera e Genny Eggimann vegnan elegi da nies president ed acceptai dils votaders e votadras. Presents ein 54% dallas commembras e commembers, q.v.d 47 persunas. Igl absolut pli punta a 24 vuschs.

3. Protocol dalla radunonza generala 2021

Approbazion dil protocol dil 2021 – el vegn acceptaus cun in applaus.



4. Pareris

A: dal president

Era quel havein nus gia tarmess. Nus approbein unanimamein cun in applaus quei bi pareri. Nossa vice-presidenta engrazia fetg a nies grondius president e surdat ad el in bon dad ir a tscheina e duas butteglia vin.

B dalla dirigenta

Monika Arpagaus fa era in beinvegni e legia avon siu pareri.

Avon 2.5 onns ha ella surpriu il chor Rumantsch Rezia Bassa ad interim ed ha stuiu sentir che las candidatas e candidats sco dirigent/a stattan buc pal avon il chor. Ella spera che siu engaschi ad interim seigi buc in “ad interim perpeten”.

Egl'empre onn e miez havein nus muort la pandemia strusch cantau. Mo gl'onn vargau havein nus giu enqual biala ed enqual tresta cumparsa. Specialmein la mort da nossa ferma ed activa cantadura Lisa ei stada fetg dira, quei mo treis dis avon in survetsch divin che nus havein embelliu musicalmein. Plinavon havein nus cantau per las suandontas occurenzas:

Fin november 21: Anniversari dil president Rinaldo Caduff

8.+10. D'avrel 22: Concerts cul chor viril Aschèra ed il Bajazzo Chörli

Entschatta matg 22: Anniversari da nossa dirigenta Monika Arpagaus

4. da fenadur 22: Sepultura da nies anteriur candadur Victor Casanova

Monika siara culs plaids suandonts: Sche tuts cantadurs e tuttas cantaduras ein presentas cun ardur e fervur savein nus tener il nivel e passar bialas uras en cumpignia che fan bein a tgerp ed olma.

Rinaldo drezza aunc ora in car salid da nies anteriur dirigent Eugen. Lez engrazia fetg per il bi regal (ina aissa veglia illuminada specialmein) e stat fetg mal, ch'el sa buc esser cheu questa sera.

5. Rendaquen dil cassier...

Sandro ha surpriu il post sco cassier, cunquei ch'igl'antierur cassier Retus Spescha haveva detg ch'ei detti buc bia lavur. Sandro presenta a nus las cefras che mintgin e mintgina ha gia survegniu cun gl'invit e che vesan ora fetg bein cun in augment da facultad da CHF 2'786.35.

.. e dils revisurs

Lucas fa in beinvegni culs plaids: “nuot ei aschi stedi sco la midada”. Quei fact ha gia Pascal Gamboni purtau en siu concert ed el va era a prau cun la revisiun. Nies cassier Sandro per exempel ha midau la fuorma da lavur. El ha digitalisau la cassa, aschia ch'il cudisch da cassa ei “tempi passati”. Ei vegn mo aunc luvrau digital cun journals da banca. La lavur ei schubra e surveseivla. In grond engraziament al cassier, ei vegn dau scharschament cun in applaus.

Rinaldo pren aunc il plaid ed engrazia fetg pil sustegn financial da CHF 500.- dall'URB, per la donaziun dad ina commembra che vul buc vegnir numnada da CHF 200.- ed era in grond engraziament a tuts e tuttas che han pagau la contribuziun annuala da CHF 60.- ni schizun dapli.



6. Mutaziuns e honoraziuns

Moratoris

Valentin Vinzenz, staus 49 onns en noss'uniun

Lisa Hendry, ella ei stada 31 onns commembra activa da noss'uniun

Anita Schneckenburger, stada 51 onns en noss'uniun

Victor Casanova, staus 24 onns ell'uniun

Nus cantein la canzun "Allas steilas" per honur e regurdientscha a quels e quellas che san buc pli esser denter nus e stein silsunter ina minuta ruasseivels.

Quatter commembers e commembras passivas ein plinavon curdai ord nossa uniun

..ed entradas

Quatter commembras e commembers: Elisabeth Christoffel, Culastia Ehrl, Hans Fäh, Guido Rensch

Actual dumbra noss'uniun 87 commembers e commembras, 39 da quels contan el chor.

Giubileums

20 onns

Cornelia Bigger

30 onns

Agnes Beeli

40 onns

Brigitta Paulin, grond engraziament per scriver duront biars onns las cartas d'anniversari e per la fideivladad!

8. Activitads 2022

Activitads passadas:

26.3.22 sera da heighels che ha deplorablamein buc giu liug ord motivs organisatorics

8.+10.4. concerts cul chor viril d'Aschera, Johannes Flury ha iniziav quella collaboraziun e nus havein giu fetg bia aspectatur(a)s ed in grondius apéro a Ragaz Bogn

24.04.22 viseta dil concert dil chor Lumnezia

22.5.22 Sentupada da primavera ella posta a Weisstannen

24.6.22 Grillada a Mols tiel president

26.6.22 viseta a Strada tier il mulin vegl

Activitads futuras:

10.9. Meisa Rumantscha a Sargans

19.9. Cantar liber

25.9. Viandada ad Amden



25.10. Sera culinaria, cuschinar ensemen e silsuenter guder il cuschinem

27.11. Sentupada Rumantscha cun lotto

10.12. Far mams da Nadal

27.12. Via d'advent

9. Contribuziun annuala

Il president propoia da schar la contribuziun tier CHF 60.- era per il 2023 e quei vegn acceptau unanimamein.

10. Varia

Per il Calender Romontsch 2023 ei nossa uniun vegnida dumandada da sepresentar e scriver ina contribuziun. Rinaldo ha immediat dau tier e Baseli Collenberg ha gidau da scriver in text. Il president engrazia zun fetg alla Surselva Romontscha per saver sepresentar en quei calender.

Nies president ha giu l'idea dad organisar cudischs da cant, cunquei che nus stein aunc mintgaton da cumpignia e lein cantar, mo per quei mauncan mintgaton ils plaid. El ha survegniu enta maun il cudischet "Juhe" mo deplorablamein deva ei buc quel dad empustar. Rinaldo ha lu scret a Ciril Berther, igl editur da quei cudisch ed actuar dall'URB. Lez ha mirau da saver digitalisar quei cudisch e lu ei vegniu stampau 50 exemplars per noss'uniun. Quei cudischet da canzuns ha in flot format ch'ins sa metter en sac.

Diego Deplazes – secretari general dalla Lia Rumantscha - porta salids giu da Cuera, era dallas duas copresidentas dalla Lia Rumantscha Urezza Famos e Gianna Luzio. La cultura e la promovaziun ed il paterlar Romontsch vegnan vivi en nossa uniun, quei ha Rinaldo presentau a nus. Ei dat ina, duas sfidas per la Lia Rumantscha. Ina sfida ei che biars Romontschs van a star x zanu ella Svizra. La Lia emprova fetg da promover occurenzas ell'entira Svizra, cunzun era per affons ch'ei nies futur. Diego engrazia fetg pigl invit e giavischa ina biala sera.

Toni Vincenz pren il plaid ed engrazia per nossa contribuziun el Calender Romontsch e pigl invit a nossa uniun.

Il president dall'URB, Ciril Berther pren era il plaid. El lauda nossa organisaziun ed engrazia fetg pigl invit.

El settember 2022

L'actuara Lea Killias